



- SENAT -

Broj: 01-9-84/21

Sarajevo, 30. 06. 2021. godine

PRIRODNO-MATEMATIČKI FAKULTET UNIVERZITETA U SARAJEVU SARAJEVO			
Datum prijema: 02-07-2021			
Org. jed.	V. r. i.	Prih.:	Komao.
01/06-1203/4-	4-	2021	

Na osnovu članova 50. i 130. stav (2) tačka g) Zakona o visokom obrazovanju („*Službene novine Kantona Sarajevo*“ broj: 33/17, 35/20 i 40/20), člana 59. tačka g) i člana 138. Statuta Univerziteta u Sarajevu, a u vezi sa odredbama člana 3. stav (3) Pravilnika o postupku predlaganja, ocjene, usvajanja novih i izmjena postojećih studijskih programa i nastavnih planova i programa na Univerzitetu u Sarajevu, na prijedlog Vijeća Prirodno-matematičkog fakulteta Univerziteta u Sarajevu broj: 01/06-1203/2-2021 od 10. 06. 2021. godine, uz mišljenje Službe za nastavu od 16. 06. 2021. godine, Senat Univerziteta u Sarajevu je, na 28. elektronskoj sjednici održanoj 30. 06. 2021. godine, *donio slijedeću*

## ODLUKU

### I

Usvajaju se izmjene i dopune nastavnog plana i programa na prvom i drugom ciklusu studija na Odsjeku za hemiju Prirodno-matematičkog fakulteta Univerziteta u Sarajevu za studijsku 2021/2022. godinu.

### II

Ova odluka stupa na snagu danom donošenja.

### *Obrazloženje:*

Razmatranjem nastavnih planova prvog ciklusa i praćenjem realizacije odgovarajućih programa u protekle četiri studijske godine, na Odsjeku za hemiju je ustanovljena potreba da se u nastavni plan uvrsti predmet iz oblasti biologije. Naime, evidentna je povezanost velikog dijela nastave na Odsjeku sa pojmovima iz područja biologije, pa se pokazalo opravdanim uvođenje novog predmeta koji će studentima omogućiti lakše shvatanje gradiva iz predmeta koji ovo znanje podrazumijevaju. Prijedlog Odsjeka je da se predmet pod nazivom *Opšta biologija* uvrsti u nastavni plan prve godine studija, u drugom semestru na svim smjerovima, sa po 2 sata sedmično. Predmet bi nosio 2 ECTS boda, a naziv i program predmeta utvrđen je na prijedlog nastavnika Odsjeka za biologiju. Uvođenjem predmeta *Opšta biologija*, iz nastavnog plana isključen je predmet *Tjelesni odgoj I*, koji je sa 2 ECTS boda bio zastupljen u drugom semestru na svim smjerovima. Također, *Tjelesni odgoj II*, kao izborni predmet u VI semestru u na opštem i nastavničkom smjeru, isključen je iz nastavnog plana, a predložen je novi izborni predmet, *Molekulsko modeliranje u organskoj hemiji*, sa istim fondom sati i ECTS bodovima (1 sat sedmično, 1 ECTS bod). Ostale izmjene u Nastavnom planu i programu odnose se isključivo na jezičko preimenovanje naziva nekoliko predmeta kao i korekcije u pojedinim programima predmeta, a što je u domenu svakog predmetnog nastavnika.

S tim u vezi Vijeće Prirodno-matematičkog fakulteta Univerziteta u Sarajevu je na sjednici održanoj 10. 06. 2021. godine, donijelo prijedlog Odluke o izmjeni i dopuni nastavnih planova i programa na prvom i drugom ciklusu studija na Odsjeku za hemiju Prirodno-matematičkog fakulteta.

Nakon pozitivnog mišljenja Vijeća Grupacije prirodno-matematičkih i biotehničkih nauka od 21. 06. 2021. godine, Senat Univerziteta u Sarajevu je donio odluku kao u dispozitivu.

**REKTOR**

24 *Husemonić*

**Prof. dr. Rifat Škrijelj**



Dostavljeno:

- ① Prirodno-matematičkom fakultetu
- Službi za nastavu
- U dokumentaciju Senata
- Arhivi